

2013 Nanzningz Gozci Minzgoh Yisuzcez: Baijyienj Minzgoh Meiliz Langh'angj Minzgoh Funghcaij

2013 南宁国际民歌艺术节:彰显民歌魅力 绽放民歌风采

9 nyied 3 hauh gyanghaemh, Dadifeihgoh • 2013 Nanzningz Gozci Minzgoh Yisuzcez youq Gvangsiah Dijyuz Cungsim haimuq. Gaiq minzgohceez neix, aeu "haw fwen" guh gaq, aeu "dauqma goekgaen minzgoh, vatgud minzgoh neihanz, baijyienj minzgoh meiliz, langh'angj minzgoh funghcaij" guh cawjdaez, hawj gij minzgoh ceiq hwng haenx, gij fwen yenzswngdai haenx, gij go ceiq riuz haenx youq gwnz daiz vanjvei baijyienj hawj vunzlai yawj, minzgoh cezmuz ciemq daengx daiz vanjvei 90%. Cujvejvei lij cingj le guekrog yisuz donzdui maenhndei haenx daeuj camgya vanjvei, guh minzgoh gyauhliuz.

(Dahnaz cingjeix fanhoiz)



▲ Boubxyenjenz yienj keiq Boubcuengh 《Buhbwnroeg》 go cawjdaez —《Vikliux Gvazet》.

► Boubxyenjenz ciengq go minzczuz 《Go Duzmbaj》.



Daizfwen Sanglinz Ndeiyawj Lai

“绿城歌台”上林歌台精彩纷呈

Bonjbauq siusik (gicej Veiz Yennaz) 9 nyied 5 hauh, ndaw yienh Sanglinz singgyong singlaz yiengi daenh mbwn, singgo singfwen goksasa. 2013 nienz Nanzningz Gozci Minzgoh Yisuzcez “Daizfwen Singzloeg” Daizfwen Sanglinz vwnzyi byaujyenj youq yienh Yinminz Lijdangz gawjhengz. Baez vwnzyi byaujyenj neix, miz Suhgwzlanz, Daigoz daengj gyoengq boub yisuzgyah guekrog caeuq gyoengq boub yisuzgyah Sanglinz Yen doengzdaiz ciengq go eu fwen, aeu go fwen gyau baengzyoux, cienz cingzgeih, ciengq go eu fwen danqhaenh gwndaenj vuenyungz ngoenzneix. Byaujyenj ndeiyawj dangqmaz, ndaej daengz gyoengq boubngonz dopfwngz haenhndei.



▲ Boub yisuzgyah Sanglinz Yen yienj diuafoux 《Dahven' gyangh Angavangz》.



▲ Boub yisuzgyah Daigoz yienj diuafoux 《Byuk Makyehswj》.

Doxgaiq Guekrog Yinx Boubhek Daeuj Cawx

异国风情展品琳琅满目吸引客人



▲Doxgaiq guekrog lai raixcaix.



9 nyied 3 hauh, Daihcib Gaiq Cungguek—Dunghmungz Bozlanjvei youq Nanzningz Gozci Veicanj Cunghsinh gawjhengz. Aen hoih neix, yinx boubhek Dunghmungz daeuj Nanzningz yied daeuj yied lai. Bineix gyoengq boub seng'eiq Dunghmungz daiq haujlai cungj doxgaiq daeuj gai, doxgaiq binjung lai raixcaix. Daegbied youq sanghbinjgvanj Vwnzlaiz, Genjbucal, Feihlizbinh, Sinhgyahboh seiq aen guek neix yawj daengz, gizneix doxdaiq lai raixcaix, vunz daeuj cawx hix ceiq lai.

Gaenh geij bi daeuj, boubhek Dunghmungz daeuj Nanzningz guh seng'eiq yied daeuj yied lai. Seizneix, gyoengqvunz youq Nanzningz hix cawx ndaej doxgaiq daegsaek guekrog, ndaej gwn doxgaiq ndeigwn guekrog.

(Dahnaz cingjeix fanhoiz)

◀ Gyoengqvunz cimz mak Daigoz, cungi haenh ndei gwn raixcaix.

Dangjyenz Bae Mbanj Yauzczuz Banghag

党员到瑶乡助学

Mboengqneix, Liujcouh Si Hajsing Sangh-yez Daya 10 lai boub dangjyenz bae Yungzsuij Myauzczuz Swciyen Dungzlen Yauzczuz Yangh Dungzlen Siujyoz guh banghag hozdung, laebbaenz aen ban heuhguh “ban hajsing” ndeu. Gyoengq dangjyenz hawj 45 boub hagseng Yauzczuz soengq bae buhvaq caeuq ngaenzgwndaenj, hawj hagseng Yauzczuz ndawsim gamjdaengz raeujrubub. (Liu Swjyenh)

► Boub dangjyenz ndeu fat buhvaq hawj hagseng.

